

- firmatus, imperturbatus, numinis gnarus, in numine per-
21. stans. Externis contactibus haud addictus in semet ipso invenit, quod volupe est; is divinae devotioni devotus, voluptate infinita fruitur. Quae vero a contactibus prodeunt deliciae, eae utique e doloris utero pariuntur; initium habent et
22. finem, Kuntidis nate: hisce non gaudet prudens. Qui in hac ipsa vita perferre valet, ante liberationem a corpore, impetum e cupidine et iracundia ortum, is devotus, is vir beatus
23. est. Qui intus delectatur, intus gaudet, quique perinde intus illuminatur etiam, is devotus ad extinctionem in numine, divinitatis particeps, pervenit. Adipiscuntur extinctionem in numine sancti, deletis peccatis, ancipiti contentione exemti, sui compotes, omnium animantium bono gaudentes.
24. Qui a cupidine et ira segregati sunt, temperantes, temperatis cogitationibus, prope eos extinctio in numine versatur, sui sibi conscios. Contactibus externis exterminatis, obtutu in confinio superciliorum defixo, spiritu gemino, qui per narium meatus hauritur et efflatur, aequabiliter moderato,
25. coërcitis sensibus, animo, mente, anachoreta unice in emancipationem intentus, qui semper vacat desiderio, ira et metu, is re vera iam emancipatus est. Me tanquam perceptorem sacrificiorum et castimoniarum, universi mundi magni dominum, amicum omnium animantium qui cognoverit, is ad tranquillitatem pergit.
26. 27. 28. 29.

LECTIO VI.

ALMUM NUMEN *loquitur*:

1. Qui haud sollicitus de operis fructu opus peragendum peragit, is et abdicator est et devotus; non quicunque sine